

nicht ein Christ / Gleich / wie ein fromer
Münch / als S. Bernhard / daher gehet / als
ein Münch / Aber doch in seinem glauben ein
rechter / ernstlicher Christen ist / der nicht auff
seine Kappen noch Orden / wie der ander
hauffe / bauwet / pochet vnd trotzet / Sondern
allein auff die gnade Ihesu Christi / wie er
selbs oft zeuget / Also lesst Mose den andern
hauffen / sich des Gesetzes vnd Beschneit-
tung rühmen / gehet jmer mit in solcher Kap-
pen / Aber sein hertz / glauben vnd bekenntnis /
ist Ihesus Christus Gottes Son zc. Haben
ben wir nu Mosen / das ist / den Meister vnd
obersten / So werden seine Jünger die Pro-
pheten mit hauffen jm nach zu vns fallen /
Denn sie nichts anders glauben / bekennen
vnd leren / weder Mose jr Preceptor thut /
Aber wo wollen wir sie setzen / die lieben Ge-
ste ? Dis Büchlin ist zu enge / kan sie nicht
alle hier ein setzen / so Mose nicht gantz hier ein
komen kan .

Also wollen wir thun / Wir wollen zu
inen gehen / vnd mit inen Essen / Sie haben
die Kuchen vnd Keller besser bestellet / denn
wir / vnd können vns vol auff fursetzen vnd
herrlich speisen / Das ist / Ein jder neme die
Propheeten fur sich / lese mit vleis drinnen / vnd
mercke / wo der **DEXX** Jehona / Ihesus
Christus vnterschiedlich redet / oder wo von
X ij im ge-